

造
命
宗
鏡
集

造命宗鏡集卷之十

括囊賦

一氣初判兩儀肇彰設四時以成象布六壬而配方
吉凶本末之端生于好惡禍福推移之始造用柔剛

此明如臨生剋之端
相生之道剛柔之意

原乎黃帝作孽于蚩尤玄文降

臨于神式以月將加于正時用五行論其剋賊加臨

地局內外別于陰陽

地局用起于爲陽爲外
用起支爲陰爲內也

運轉天

盤順逆分爲南北

亥至辰順
巳至戌逆

所考稽疑來方爲准先

立體得何象次觀神之是推貴人小吉傳中皆云之

吉太乙騰蛇傳末咸謂乎危

如是則未索幽微之旨先探膚淺之詞

害

揆太常動止則尊親有訝德乘朱雀謀謨而官吏無

虧

朱雀乘德神發用與貴人合投書必聽望信必來

復有勾陳帶劍

勾陳乘金神剋

日白虎持喪

白虎乘喪門殺剋日干

青龍被剋兮財寡

青龍乘神內戰

又空亡無財

六合負喜兮婚良

六合乘天喜與日相生婚美

武作浴盆

抱病魂歸逝水空持傳送望信僕返迴廊太陰巳午

兮被恐天后辰戌兮孕妨月厭六丁徃徃家招怪異

夢神本命頻頻魂主驚惶次審金煞直符飛蕪天目

日奇光怪鬼遊月宿天鼠八妖死烝吊客天虎害人

天鼠煞正月起子逆行十二辰
天虎煞正月起丑順行十二辰
煞併刑處化作孽而

成妖華盜到宮知是歲而起復時有休衰囚死親有
兄弟妻兒旺相爲人休囚爲物干言長上支云賤卑
支剋干則尊禍干制支而幼疲上下相生居處而內
外和睦將神遇合訪尋而主客權怡若知課象淵源
在乎天乙傳歸用在天乙前傳歸天乙後謂之先明
後暗用在天乙後傳歸天乙前謂之先暗後明明則
通泰暗多蹇窒日貴在夜開眼亦暗夜貴在日處暗而明一云貴在干前不宜逼逼則怒
貴在干後宜或臨罡斗辰論公而換易有司復詣從
催不催成蔓

冲

酉卯

謁貴乃動搖他室式體既定來情多猜任信只

云動靜反吟况是往來元首尊神所作仰爲領袖空

亡陰鬼嘉謀轉托梯媒龍戰不離于門戶玄胎欲卜

于嬰孩不備無淫必有陰私而起諍拔茅聯茹何妨

類聚以求財天獄囚禁三交暗災昴星歸去而防險

剛日出灾
柔日歸忌

遊子商賈而未回斬關逃竄擬連疾乘軒

寵召非徘徊三奇六儀交重連綿喜慶四煞五墓相

冲不久悲哀涉害用孟名見機取舍宜變通用仲名

察微暴進逢殃咎日臨辰位被辰傷名爲亂首招兩

姓以同居支就干宮受干剋名爲贅婿寄一身于四
隅災生九醜禍起二煩得無祿兮無父母見絕嗣兮
無子孫慙慙枕席難痊奈逢魄化忽忽精神不定必
值飛魂曲直炎上潤下從革遇吉將而逢善見凶煞
而夭折或主公訟或遭危厄內出外而已傷陽入陰
而被索用神得墓長生末以無憂吉將入傳帝旺終
而有獲及乎彈射日剋蒿矢神凌望行人可至占求
事不成貴人順治德扶忠直臣子天乙逆行煞動便
佞多朋况乎課例極繁究推奚盡苟貴煞而可憑乃

神將之在緊時逢土旺乘天后而失衣氣涉水休帶
土神而傷腎玄武午未兮職專白虎申酉兮訟爭罡
作天空奴婢乃非淳朴申爲朱雀音書必起途程騰
蛇巳卯而怪夢六合寅卯而親情水遇雀蛇被損傷
于天煞木逢勾虎必棟折于三刑陰作大吉兮僧願
戌爲白虎兮犬驚勾陳卯寅兮論訟寡宿子午兮孤
筭龍帶勝光壬癸酉妻懷妊孕常携小吉申酉辰首
飾簪纓丑到戌兮足疾寅加巳兮竈傾土撓水兮潺
潺金伐木兮丁丁相生相剋之元視平生旺有吉有

凶之本分爾重輕善惡有期進退相度占宅兮忌剋
人問病兮怕入墓論公訟兮惡獄留遷官爵兮須印
鑄關河隔遠占行客而未來陽少陰多產男兒應不
悞奪標望薦卷策須合于主文越省登科傳末須逢
于帝詔噫術之至幽也莫深乎理課之道遠也只在
乎心心既達于玄妙課亦通乎古今無常德兮不爲
卜有正已者可與占欲求感應志在精研

六壬剋擇論

選得宅葬婚嫁上官出行等日期仍用此六壬課復

之萬無一失若得發用三傳日辰相生宅墓旺相又
得吉將生炁天喜日月二德等諸吉加臨宅墓及臨
坐山向首并來龍或落脉之上定主榮富財貴人丁
旺盛若值凶神惡將及待用刑剋煞害諸煞刑凶加
臨宅墓及來龍坐向落脉到頭字面並凶假令得貴
合龍常主富貴得玄武天空出盜賊僧尼或招盜劫
財之類先要龍穴真正砂水調停更得此吉發福之
速如響之應聲也近代庸術選擇不知通書神煞皆
出自大六壬經中並皆不識天地二盤加臨吊替之

妙皆執通書中地盤死法選用殊不知加臨之禍尤速所以多犯凶惡以致世人受禍不淺大六壬中只有八十四煞更相重者又多若通書中一切空亡李廣將軍箭丘公等煞皆後人杜撰及京房奉翼之徒不知易學妄留神煞有悞天下後世原不出大六壬中六壬經中唯有六甲空亡四大空亡天空惡將及天運空亡並無通書中所謂落枕冷地消息白頭等空俗說也李筌公一行師謂選先要將山頭選在六氣司權旺相之中先使龍脉健旺次取日干旺相有

氣足以敵壓凶煞再用奇門良吉或月將照向或用
貴人登天門之時則朱雀破頭勾陳下獄白虎焚身
神藏煞沒再知向黃道避黑道則盡善盡美矣其修
造諸法心鏡及諸經中備載詳悉茲不復贅夫三奇
不善用者或犯月奇之刑晦星奇之死亡不若用日
奇爲穩日奇卽乙奇也月星卽丙丁也謂之死三奇
皆用月將加正時推布方准心鏡諸經具載明白唯
日奇主福德也先要精通吉三奇方可使乙丙丁三
奇今之用三奇不犯此惡者萬中無一况又不分九

官只將八卦局兼并九官一類胡推亂轉安能又曉
此不傳之秘哉嗚呼今之九十四家年月率皆妄作
聰明流毒後世皆不得大六壬之旨庸術盲昧家傳
人習如獲拱璧漫自誇說祿馬到山貴人在向全不
識旺相囚死惟事花言鳥語以惑世聽固可笑也亦
可矜也

出軍擇日

擇日天罡加月建看其神覆用宜軍歲對登明神后

下

歲對乃對
歲月也

歲前頭下酉兼申

乃歲前
日也

河魁臨處爲

天府歲後仍知仰見寅天倉大吉加堪用餘外相逢不利人

集聖曆云天倉者大吉加歲支神后下是也廣本曆云天倉正月起寅逆行十二支

龍首經曰出軍擇日常以天罡加月建傳送從魁下爲歲前天罡下爲天府登明神后下爲歲對大吉爲天倉功曹下爲歲後巳上日辰並吉太冲下爲偏禪天罡下爲負衝太乙下爲折衝勝光下爲掩冲小吉下爲敗死巳上日辰並凶孟月無致死

反爲折衝仲月無天府反爲冲星季月無天倉反
爲災星

七十二占日辰月將加正時日辰上所見也辰巳
再見青龍故曰辰巳日利行賞戌亥日辰上再見
白虎利行罰以順天心也辰巳再見騰蛇宜動內
財也戌亥日再見天后宜爭內財午日終上不見
太陰子日終上不見六合故子午爲經不可避亡
是陰陽之始也卯日終上不見玄武酉日終上不
見朱雀故卯酉爲緯惟可攻盜是陰陽之終也雖

有吉神良將勿用也

七十二占反支日不可出軍

戊亥日爲月朔則初一初七十三十九二十五日

申酉日爲月朔則初二初八十四二十二二十六日

午日爲月朔則初三初九十五二十一二十七

辰日爲月朔則初四初十十六二十二二十八日

寅日爲月朔則初五十一十七二十三二十九日

子丑日爲月朔則初六十二十八二十四三十日

靈轄經曰六窮日不宜出軍每月初四十九二十

八日是也

連珠經曰天乙絕氣日不宜出軍正月初六日二月初七日三月初八日四月初九日五月初十六月十一日七月十二日八月十三日九月十四日十月十五日十一月十六日十二月十七日是也
占用兵應日龍首經云將欲出軍假令以木日聞驚急事調四方舉兵及攻冤仇必以火命人用火日火時從火門出兵則兵勝此名爲子孫爲父母報仇慎毋令金命上將及用金日金時金門出也

必敗言金剋木也假令正月甲子日聞警利以丙
丁日巳午時出火門乃太乙勝光下也出則大勝
餘倣此推之

占出軍用時宜用貴人登天門卽神藏煞沒之時
言六神藏于十干之位八十二煞没于四維也孟
月用甲丙庚壬時仲月用艮巽坤乾季月用乙丁
辛癸時故東方朔曰善用時者使朱雀破頭勾陳
入獄白虎燒身玄武折足騰蛇墜水天空受戮假
令二月將庚申日戌加坤大吉爲貴人在乾則前

一騰蛇臨壬水朱雀臨癸水勾陳臨甲木後三玄
武臨坤土白虎臨丙火天空臨巽木若取時不精
則白虎離山騰蛇出水朱雀飛揚玄武橫戰勾陳
拔刀天空反戾用之大凶凡修造埋壘上官出行
婚娶一切百事宜用此貴人登天門之時也

出兵不可用日乙巳丙辰丁巳日癸亥宜令莫出
軍建寅逢六卯當七累次加來是黑神 每月

四朝并十九二十八行皆有逸更有往亡須并避
不忌前途傷害人莫犯獐光四絕日

孟月乙丑仲
月丙寅季月

甲子爲獐光日四絕春月庚申乙亥夏月壬癸丙寅丁亥秋月甲乙辛丑辛亥冬月丙丁壬辰癸亥

是也

無用空亡五帝辰

甲戌壬戌巳卯乙卯戊午辛酉丁巳壬子

占賊來否

來否游干支卽到次官翌日是來期前之二三依時禦若去四辰賊遠移

來否者賊來不來也游者游都也游都者甲巳在丑乙庚在子丙辛在寅丁壬在巳戊癸在申其衝爲魯都游都爲賊之主帥魯都爲賊之游兵古書云聞占看鬼聞賊看游都游都落于今日日辰之

上其賊今日卽至假令乙酉日子加辰或加酉是也靈匣經云占賊來不來當視游部所臨游部臨日辰賊今日至臨前一辰賊後一日至臨前二三日辰俱後二三日至臨前四辰賊已過去或不來次官者如甲戌日丑加卯或加亥俱次日至或加辰加子俱後二日至兵帳賦云都將囚死不剋日辰則無凶或加干支上下相制而來疾蓋謂加日辰而又剋日辰其來更疾也

游死遠空評貴魯二辰臨處賊來衝傳逢道鬼防奸

刺旺游傷剋日辰逢

游都或去日辰遠或囚死或空亡俱主賊不來又
尋天乙與魯都二神評論其臨處與日辰年命何
如其來不來方可的知天乙貴人臨處與魯都同
斷魯都不犯空有零賊來十三占云不見游都與
天乙臨處還如都將推人皆謂此天乙非天乙貴
人也乃指玄武而言謂玄武爲天乙後三位之貴
人也此說大差只以天乙貴人論之爲是兵帳賦
云貴人覆干支而賊兵攻急可見矣占賊去否歌

云大吉過干賊已去未過潛任欲來侵其以大吉
爲賊之意蓋謂大吉丑乃貴人之本家也兵帳賦
云游都忌合貴人謂合貴人亦主賊來觀此則不
游都視天乙之說的爲天乙貴人無疑矣蓋賊首
亦貴人也假使彼占我亦看貴游二神奸奸細也
刺刺客也如三傳遁干剋日干者爲遁鬼防左右
有奸細并刺客相欺犯也假令甲子日干上子三
傳戊申午午之遁干見庚暗剋日干甲木主有奸
細刺客也游都旺相臨日辰剋日辰刑日辰害日

辰

游生降至受凶刑西北東南辨重輕寅至旬頭干上
覓火臨無患水防傾

游都與所臨之方相生主有降人來假令甲巳日
游都丑臨申酉或巳午是也十三占云游都臨處
喜降賊卒是也游都被所臨之方剋制主有戰鬪
之凶如甲巳日丑落寅卯定有戰鬪蓋小人受制
則無所不至矣兵帳賦云好鄉不戰畏則交鋒十
三占云畏下難親大戰時是也然主將年命或年

命上神能剋制游都主賊敗游都所臨之方又當
詳辨其得地不得地以斷其灾禍之重輕蓋游都
火神也東方寅卯爲生旺南方巳午爲得地故游
都落在東南二方有大凶不可出戰西方乃妻財
之地北方乃受侵之所故游都落在西北二方主
平安無事十三占云落在南方灾頗重臨之西北
禍將微是也兵帳賦云若在東方猛烈兮早堅城
壘或當南面威武兮速備關津在西遲疑宜憇將
士居北漸退戲玩怡情亦是此意上云游都受生

則吉受剋則凶此云得地則凶受剋則吉二說相背以愚臆度當以得地爲凶受剋則吉爲是蓋小人得志則益凶受制乃不敢肆惡矣且如今之強賊得志官府不得治之其惡無所不至官府旣得拘束則其惡無能逞矣然此特巳之臆度耳俟高明正之不論月將只論功曹加六甲旬首看本日干上見巳午火賊不來見亥子水鄉卽來兵帳賦云功曹加甲陽火日以無憂旬首乘箕陰水在干而逆戰是也

子辰巳未卯同推臨日辰兮來是飛白入熒兮賊立
至熒加白位賊將廻

神后天罡太乙小吉太冲此五神同于日辰上推
求若五神臨日辰賊來甚急兵帳賦云井角貴人
覆于支而賊兵攻急井者小吉也角者天罡也又
云虛軫之神臨日賊攻必急虛子宮宿也軫巳宮
宿也十三占云子辰巳未加今日賊到猖狂疾似
飛今多一卯字蓋卯者卽太衝亦賊神也申酉爲
太白巳午爲熒惑若申酉加巳午不論入課傳不

入課傳其賊立至天文金星爲太白火爲熒惑奇
門庚爲太白丙爲熒惑可以參看若巳午加申酉
其賊不來此說出連珠經

天罡凶將與游神臨季賊兵近我輩玄白剋于游合
貴游雖臨遠亦來侵

天罡游都二神臨孟不來若有一神臨季雖不在
課傳其賊已近兵帳賦云游都孟仲季虛實亦類
乎天罡金櫃云游都加孟賊不來加仲半路加季
卽至玄武白虎或一位剋日或游都與天乙并雖

臨前四辰亦主賊來如甲日晝占丑作游都又是
貴人雖不入課傳其賊亦來兵帳賦云玄白制已
太白入熒惑而城壘宜堅是也又云玄鼠臨身并
剋所占更凶玄武是也鼠卽神后子也謂玄武乘
神后剋日干其凶更甚可于天上太歲之方游之
又云不臨干支忌合貴人蓋謂游都不加干支却
乃與天乙貴人同合一位定主賊來是也

課逢不備八專中其賊繇之却入攻重覆陰陽或互
覆尊卑相害賊來凶

甲寅庚申巳未丁未癸丑此五日爲八專課四課
止有三課者爲不備卦如辰上兩課占了日陽爲
陽不備占了日陰爲陰不備賊繇不備之方而入
如甲寅日午加申繇寅午二方入緣日上兩課俱
被辰占了也如乙亥日亥上見午爲辰陽干上見
丑爲辰陰乙上見亥爲日陽日陽當在亥乃被辰
陽占了此爲陰不備其賊繇亥地入此河魁加天
罡爲天罡爲陰覆陽卽返吟也天罡爲天陽月建
爲地陽河魁爲天陰太歲爲地陰若天罡與月建

或有一神臨于河魁或太歲之上爲陽覆陰其時
主君欲害臣父欲害子夫欲害婦若河魁太歲或
有一神臨于天罡或月建之上爲陰覆陽其時主
臣欲害君子欲害父妻欲害夫若天罡加月建或
月建加天罡爲陽覆陽謂之重陽主有火驚若河
魁臨太歲或太歲臨河魁爲陰覆陰謂之重陰主
有水驚或陰覆陽或陽覆陰或陽覆陽或陰覆陰
其時占賊主賊立至宜備之兵帳云天罡天陽地
陽月建動陰天魁靜陰歲轉若陽陰相覆君臣驚

備于奸謀或重覆相臨水火隄防于災變卽此意也又云卒逢賊至來處占求輕兵神后步卒牽牛功曹猛健車騎長鎗于兔腹伏兵角亢太乙變陣于龍頭馬隊勝光伏將向秦宮而作甲驍健傳送大梁趙次以機籌天罡猛將而難擊登明突急而莫留此法所關亦輕然亦古人所有不敢刪去故不著於歌內附此以俟智者

占賊去否

賊兵欲去斗罡尋孟未仲行季遠奔大吉過于賊已

去未過潛任欲來侵

天罡加孟賊尚未行罡加仲巳行罡加季賊已去
遠矣如甲子日大吉臨卯賊已出界若臨寅或臨
丑尚未出也未過潛任者出靈匣經其語頗贅故
不引入

占賊多少

賊數專看亥子神辰逢賊少日多臨聞占日上日于
的聞賊游都游地真

登明神后二神臨于日干之上賊數多臨于支辰

之上賊數少兵帳賦云神后登明正時可曉于見賊多支逢賊少是也平居聞占以日于上并日于上神合筭其數如甲日天罡加于甲上天罡辰數五甲于寄于寅取寅之七數筭五與七兵得十二數是也或一萬二千或一千二百或一百二十以旺相囚死斷之或賊已入或聞報有賊以游都所臨之神合筭其數如甲子日占游都在丑丑上遁于見乙加乙八丑八共十六依此推之數不差訛一說用游都之地盤遁于于此歌內兼而言之當

何所從姑缺疑任右臺云只用游都并地盤故本
文曰聞賊游都游地真也

野宿安營

安營五墓日辰凶巳卯辰刑更忌逢蛇虎魁罡大吉
恐孤雄之上戰成功

如要住扎安營遇五墓加日辰之上主軍士不安
五墓者春未夏戌秋丑冬辰四季亦在辰神樞經
云怖不怖視五墓謂用辰見五墓主有恐怖五墓
加日辰主軍士不安寧靈匣經云五墓者五行之

墓如甲申于上未支上丑此日辰上俱見墓也安
營遇此主軍士不寧一說五墓發用日墓臨日辰
此說尤通任右臺云辰戌丑未乃五姓五音之墓
蓋三軍之中五姓備焉故四神有一神加日辰俱
主大小將不安此說似亦有理但不知出于何書
潤吾云此說雖出古人然此處正用日于墓非五
姓墓也太乙太衝天罡此三神謂之三刑如遇此
三辰臨于日辰上防賊立至玉門經云兵行日晚
欲知安營寨如逢三刑加日辰必不可住宜急廻

老管如乙巳日卯加乙辰加巳日辰俱乘三刑其
夜必主賊來宜急廻營兵帳賦云冲罡太乙宜夜
防賊來又甲子日巳加甲卯加子日辰俱見三刑
夜有賊來宜急移營靈匣經云日辰上見騰蛇白
虎主軍士驚恐若日上見河魁天罡主小將死連
珠經云大吉加日辰宜急去不可住一云日辰上
見太冲其夜有風雨若見神后太乙夜有賊至旺
相來休囚不來如甲申日河魁加甲天罡加申日
辰上俱見魁罡夜有驚恐大小將皆死支孤雄者

春寅夏巳秋申冬亥是也將加時有孤雄所臨之
處安營如春三月看占功曹落處是也兵帳賦云
屯營心動青常兮信使將來郊野日暝冲后兮
淋欲就

大將宜登

主帥軍中欲樹勳亭亭豹尾大將軍登明卯酉青常
后除定危開與太陰

將加時神后落處亭亭豹尾者申子辰年在戌巳

酉丑年在未寅午戌年在辰亥卯未年在丑其冲

爲黃旛大將軍三年一移孟歲以午仲歲以未季
歲以申加太歲天罡下是也捷法寅卯辰年在子

巳午未年在卯申酉戌年在午亥子丑年在酉三

神所落之方大將宜居之登明太冲從魁青龍太
常天后此六丁神之下主將宜居之一說天上亥
爲大將軍卯爲左將軍酉爲右將軍午爲前將軍
子爲後將軍五將各因時移居其方則吉太陰天
乙後二位是也月建後一日爲除後四日爲定後
七日爲危後十日爲開用天上除定危開之方兵

帳賦云青常陰后大梁大火以同居除定危開主
將其方而喜在是也

太歲移居并月建又宜歲后太陰神玉前絳後明中
利百戰俱能奏凱音

太歲者天子之象也如子年見子是也月建者正
月建寅是也太陰居太歲之後二位玉帳經云軍
入敵境將下營寨欲擇善地者上將軍宜居太歲
太陰大將軍月建豹尾九天之上言九天者春功
曹夏太乙秋傳送冬登明卽孤雄也前後對敵營

而言如敵營在西我營在東則西爲前東爲後敵
營在北我營在南則北爲前南爲後大將宜按三
官時隨時宜居其處吉三官者亥加仲爲絳官子
加仲爲明堂丑加仲爲玉堂仲者子午卯酉是也
連珠經云絳官利中明堂利前玉堂利後魯門經
云說亦同二說皆前賢之言當審所從俟高明正
之

迷路求通

迷路申辰不可逢三途是孟左宜衝仲中季右依方

去陽左宜兮陰右通

傳送天罡下有路黃帝云軍行迷路者月將加時
若遇功曹傳送臨日辰則前路通若罡蛇虎臨日
辰前道不通兵帳賦云池泥之地天罡指處堪行
又云昏朦失路執式投盤天參易曉大角堪前參
申中宿也角辰中宿也式者乃六壬式也以擊盤
畫十二宮內寫十二辰用雷擊木或檀木作十二
彈每彈上刻一辰十二彈刻十二辰爲十二月將
遇昏朦各按月將取其彈投于盤中用蓋覆搖動

待定啟視其彈落于何宮卽作正時占之卽闕拈
之意此爲執式投盤也遇三路相疑月將加時天
罡加孟宜左邊去加仲宜中路去加季宜右路去
兵帳賦云三路迷心時下罡尋孟季是也天罡加
六陽位宜往左路加六陰位宜往右路七十二占
曰迷路視天罡若天罡加孟左道通加仲中道通
加季右道通又云斗加陽左通加陰右通

兩路日辰趨左大辰長右小斷無壅昴星前去闕架
格猴虎干支有路踪

兩路相疑如日上吉可向左道或大道去艮卽吉也兵帳賦云兩峻惑意日辰左右定規模辰上吉可向右道或小道去斷無阻滯也如遇昴星前去多主不通傳送功曹臨日辰前去有路可通

若見魁罡蛇虎阻未虛臨處更休攻

若遇河魁天罡騰蛇白虎加日辰前路不通兵帳賦云神后多池小吉阻道神后臨方多有水池小吉臨方多有井泉未卽小吉也虛子中宿也攻卽

行征之謂也

疑有伏兵

巳申子卯覆干支有伏相侵請備之旺相帶刑相遇
戰空亡休廢賊兵衰

太乙傳送神后太冲臨于日辰之上主有伏兵兵
帳賦云恐埋軍巳申子卯而速備是也如遇上四
神旺相又與日辰爲三刑主有戰鬪之凶靈匣經
云出軍疑有伏兵若巳申子卯四神臨干支必有
伏兵此四神旺相與煞并大戰休囚不與煞并伏
兵不敢起如四神空亡休廢賊兵衰弱兵帳賦云

帶刑帶煞旺相而猛將來爭無煞無刑休囚而庸
兵退驟

天罡臨季伏兵近陽伏左兮陰右宜干損在前支損
後干支俱損定傾危

連珠經云斗加季有伏兵近此句意已見來否歌
內但此句亦不可遺之罡臨六陽左邊有伏兵臨
六陰右邊有伏兵干損者日干受上神剋制也支
損者支神受上神剋制也日受上神剋有伏兵在
前辰受上神剋有伏兵在後干支俱傷有伏兵戰

大凶蓋以干在上爲前支在下爲後也連珠經云
干傷支者有伏兵在前支傷干者有伏兵在後慎
之日辰俱被上神尅制前後俱有伏兵相害兵帳
賦云斗季損支邀截我後干傷前面陰陽左右是
也

日辰蛇虎魁罡墓伏寇非遙莫自疑

日辰上見前丑神伏兵近來兵帳賦云三刑五墓
日辰遇而夜防蛇虎魁罡干支遁而暗候又云方
疑伏寇蛇支虎干以尋驚是也

占賊前後

前後巳申子卯看臨支在後落干前日臨辰上前防
寇支若臨干後備奸亥子臨干居大路如加辰止小
衝潛依此搜尋成備績斗加孟仲季同研

占賊在我營前後當看太乙傳送神后太冲四神
一說子卯巳三辰靈匣經云將加時子卯巳三辰
臨日賊在前臨辰賊在後加年亦然少申字缺疑
如四神不臨干支則無賊矣又太乙臨干賊在前
臨辰及行年賊在後連珠經云太冲勝光河魁登

明四辰加日辰前有賊天罡太乙二神加日辰後有賊此說與前相背亦附于此以俟高明如甲子日寅加子上是日臨辰也如子加寅上是支臨干也以上二意皆出心鏡其語鄙俚故不引入兵帳賦云辰加于日防賊兵于後驚日覆于辰備敵卒于前擾又以天乙所臨宮分以定前後之擾神明神后二神臨于日干上其賊在大路登明神后二神臨于支辰上其賊在小路衢小道也黃帝占曰行險隘處恐有惡人相害當以日辰時三處決之

日傷勿在前辰傷勿在後時傷勿在中又云斗加
孟勿在前加仲勿在中加季勿在後若天罡加日
辰必有惡人躡我踪是也

占賊所在

賊方視日春辰是夏未秋辛冬丑臨鶉火四時俱作
目臨方擬是賊潛形

賊來入境問占當用此法目者天目也如春占看
天罡夏占看小吉秋占看河魁冬占看大吉辛卽
戌也此說出連珠經兵帳賦云欲知賊情行止細

看天目臨方鶉火卽勝光午將也四時俱爲天目
璧玉經云欲求賊之所在當向天目下察之天目
者勝光是也天目所臨之方是賊所在之處是也
伏吟兵近返吟遠若問來方發用評途中疑賊當尋
丑丑落魁罡伏亥尋

凡占伏吟不動返吟主動今與卦名相返者似欠
通然此句乃玄黃歌之原文故不敢更觀之前篇
河魁加天罡爲陰覆陽卽返吟也占賊立至則此
句之訛可知矣當云返吟兵近伏吟遠是也又當

推其所來之方如初傳見火賊從南方來初傳見
金賊從西方來各定生旺之方如六甲日初傳寅
賊從東方來餘倣此兵帳賦云欲知賊來方位當
看初傳五行水爲北虜火作南兵發見土神不意
乃從于四季初傳木位其謀必自東溟是也神珠
經云聞賊已入邊我兵行次欲占賊在于何方當
以大吉推之魯家占視二吉兵帳賦亦視二吉其
曰天地伏吟太乙追尋丑未子午太冲可任是也
大抵只看丑字爲捷法如二吉落魁罡丑落庫未

定在辰一定不移故只看丑字如字加干河魁天
罡之上其賊在天上登明下尋是也

若在寅申申上住如加卯酉酉方行臨之丑未藏蛇
上巳亥仍行大吉停

大吉加功曹傳送其賊在天上傳送下如加太冲
從魁卽向天上從魁之下如大吉加大吉大吉加
小吉卽向天上太乙之下加丑卽伏吟加未卽返
吟也如太乙登明其賊在天上大吉之下

子午太衝方下隱兼刑旺相避之亨深知賊寇臨方

位搜索平平廟筭靈

如大吉加神后勝光其賊卽從天上太冲之下藏
之如遇賊臨之神與日辰相刑又兼旺相急選吉
方避之卽亨通也

主客勝負

勝負干支主客分辰刑日上主贏賓干傷支害又侵
下利客斷非宜主人

干在上爲外爲客支在下爲內爲主假如時可爲
客我已作客而先行矣臨戰時又不利爲客則宜

靜以待之使彼先動我乃後應此乃變通之道也
爲主亦然若四方平定欲舉兵征討不以先動爲
主所征爲客若出兵原野兩兵相對以先動爲客
後應爲主此秘法也任右臺云日陽爲客大將日
陰爲客叅將辰陽爲主大將辰陰爲主叅將觀其
生剋以定勝負此說甚通但未驗之辰上神剋日
上神或辰剋日亦是如乙亥日干上神是寅支上
神是酉此爲辰上神剋日上神也壬辰日是辰剋
日也餘倣此兵帳賦云損支主敗傷于客輸日刑

支或害支故利客也

辰上乘凶莫作主日空爲客敗休詢用客爲客須亡
衆賊勝緣初剋末神

辰上若乘凶將爲主必凶日上若乘凶將爲客必
敗用者用神卽初傳也亡衆者逃亡失散兵卒也
初傳爲外爲客末傳爲內爲主一云欲攻賊宜背
陰攻陽謂背亥子攻巳午是也一云以勝光加四
仲旺神出勾陳下必剋如春木旺在卯也

勝負試看刑德準命年制虎武勾析又宜勾將

武賊位神宜勾將侵

德爲中國刑爲夷狄如德剋刑中國勝刑若剋德
夷狄勝德者甲巳寅乙庚申丙辛戊癸巳丁壬亥
刑者寅刑巳是也如甲戌日甲德在寅戌刑在未
寅木剋未土此中國勝也如巳酉日巳德在寅酉
爲自刑酉金剋寅木此夷狄勝也此任右臺之言
主將年命或年命上神或刑或剋或害白虎玄武
勾陳三神所乘之神利爲客勝魯門經云詳勾陳
所乘之神若勾陳所剋乘之神則主勝勾陳乘神剋

勾陳則客勝如主將年命不制白虎玄武勾陳又
要勾陳剋制游都並玄武所乘之神兵帳賦云我
軍欲勝勾制玄都大抵我要爲主則要主將年命
或年命上神日干上神剋制白虎玄武勾陳游都
我要爲客則要四神得地賊所居方位宜勾陳乘
神剋之則利客矣

勾將若臨賊位上貴宜遙制下乘神戰初貴六龍常
吉八將俱凶各有論

天乙不拘臨于何地但乘神能剋勾陳之地盤者

吉假如丙申日酉將子時賊在卯方主將行年在巳巳上見寅巳又加申是干刑支又上剋下行年巳上見寅白虎乘辰加未是主將行年上寅木剋白虎所乘辰土是也勾陳乘大吉丑土是行年剋勾陳也賊方上見子是勾陳剋賊位神也利爲客先舉者勝靈匣經云上將行年若剋勾陳白虎大勝不然勾陳剋玄武必勝勾陳所居神能制所攻之神與勾陳并戰勝天乙乘神能制勾陳所乘之神是爲敵降必有大勳戰鬪初傳得天乙六合青

龍太常者大吉也

三

太常巳申

四

龍寅丙

巳

太常

午

武

未

太陰

申

后天

青龍寅巳

雀亥寅

辰

白虎

巳

午

未

申

酉

貴人

傳

朱雀亥寅

課

太常巳申

卯

天空

辰

巳

午

未

申

戌

騰蛇

集靈經云用起天乙出軍大捷開地千里見六合

得賊玉帛子女見青龍得賊營寨府庫見太常將

兵大勝

以上爲四吉大勝

見騰蛇軍中驚恐士卒傷損見

朱雀士卒散亂見勾陳軍馬戰傷見天空士卒欺

詐見白虎士卒死亡見玄武戰敗損傷見太陰士

卒怯弱見天后不戰自敗

此八將俱凶

日上孤雄子孫勝干支切忌父母臨財神六處相逢
惡猶畏害刑白虎迤

子孫能制鬼賊故勝孤雄註見前子孫能制鬼爻
父母能制子孫子孫被剋則不能制鬼矣故忌之
六處者日辰本命行年三傳正時也此六處財能
生鬼故忌之財神如旺相得地占賊已至邊矣如
將星乘子孫剋游都玄武或賊方之神者吉將星

者驛馬後二位是也六合三刑并白虎更不宜六
處見之日辰年命逢此三辰其凶更甚金櫃云上
將年命與六害并大敗故曰敗不敗視六害兼白
虎必死若天乙臨大將行年及有炁之鄉玄武囚
死之地大勝若玄武臨日辰遙剋時上神者勿戰
天獄丘仇寇九醜二煩網禍有災臻生孤建旺罡雄
相主將宜居擊對辰

初傳囚死罡加日本日本卽長生也墓加同類仰
丘丘卽墓也俯仇爲天獄卦傳中更值災劫刑害

其凶更甚此課惟甲乙日辰加亥爲罡加日本未
加寅爲墓加同類未爲木墓寅木爲甲乙木之同
類也又爲仰丘俯仇寅木見未爲仰丘未受寅剋
爲俯仇的爲天獄卦庚辛日罡加巳丑加寅亦是
俱罡不剋日本墓不加同類爲禍稍輕六甲六乙
六庚六辛此二十四日共有二十四課餘日雖有
罡加日本却無墓加同類仰丘俯仇俱非此例寇
者天寇卦也太陰加于分至之前一日之支爲天
寇卦分者春分秋分至者冬至夏至是也九醜者

乙戊巳辛壬五干臨于子午卯酉四支此十日爲
九醜日蓋以五干四支爲九數也此十日內遇大
吉加于本日之干支或加子午卯酉四仲之上又
大時小時二煞加于日辰或在傳內者爲九醜卦
也大時者正卯二子逆行四仲小時者月建是也
二煩者天煩地煩也日宿加四仲天罡加丑未爲
天煩卦日宿卽月將太陽也月宿加四仲天罡加
丑未爲地煩卦月宿卽太陰是也查七政曆始得
知之如日宿月宿加四仲而天罡不加丑未者爲

杜傳俱不可舉兵網者天網卦也正時之支并用
神俱剋日干爲天網卦也禍者天禍卦也四立之
前一日爲絕日如四立之干臨于絕日之干爲天
禍卦此說諸書皆同惟觀月經又以絕日之干臨
于四立之干爲天禍卦缺疑此時舉兵大凶如閉
占亦主有兵應之有災臻承上天獄丘仇寇九醜
二煩網禍而言遇此等凶象俱主有災臻也生者
生炁也孤者空亡也建者月建也旺者四時之旺
炁也罡者天罡也雄者戰雄也相者四時之相炁

也每月開日爲生炁對冲爲死炁甲子旬中戌亥是也餘倣此戰雄見前以上七神可背之擊其中冲大勝也

魯氏兵占曰背生擊死背孤擊虛背建擊破背旺擊死背罡擊魁背雄擊雌背相擊囚乃順天道萬戰萬勝倘不合事機堅壁以待萬無一失也

被圍傷否

被圍神剋日辰傷天將重刑有禍殃神將比生爲慶矣日辰年命剋凶亡

金櫃經云忽被兵圍若日辰上神相生不傷相剋
有傷若天將重剋日辰其凶更甚假如甲子日亥
將寅時日上見登明辰上見從魁二將俱爲不傷
剋爲和好也反此大凶若日辰與年命相生則吉
相剋則凶

突圍出方

被圍欲出向天罡罡阻絳明玉上良絳酉申方明卯
去玉宜天上戌臨方

天罡爲青龍其指處八極俱張無敢忤者靈匣經

云被圍欲出當視青龍所臨之方利若鋒芒八極俱張夫誰敢當青龍者天罡是也兵帳賦云欲突兵圍隨斗罡而可擊古書云兵圍數重斗到必通如天罡所臨之方遇有山水之阻又考三宮時三宮時者絳宮時明堂時玉堂時也亥加四仲爲絳宮子加四仲爲明堂丑加四仲爲玉堂四仲者子午卯酉是也靈匣經云絳宮時出傳送從魁下明堂時出太冲下玉堂時出河魁下是也

勾陳制處最爲強二吉臨方去頗良大將如知統此

出數重賊繞不須忙

魯門經云吉神吉將臨日辰行年勾陳乘神制所
出之方又發用得陰傳出陽者必免難兵帳賦云
若占出路從勾制以取強又云發用在天乙前向
天罡下出發用在天乙後向傳送下出一說用在
天乙後向勾陳下出二吉者丑未也向二吉所臨
之方突出亦吉兵帳賦云龍頭莫犯嫵干支以休
囚背腹宜攻要日辰之旺相龍頭背腹者如攻陽
城頭在亥尾在巳腹在申背在寅如攻陰城頭在

巳尾在亥腹在寅背在申如我在南而城在北謂
之陽城我在北而城在南謂之陰城我在東而城
在西謂之次陽我在西而城在東謂之次陰日辰
旺相可攻休囚死則不可攻大將知之雖有賊寇
圍繞數重亦不須忙迫也

覓水尋糧

覓水須求未卯方劫糧戊巳吉臨藏亥神剋處剋于
得丑未臨方也最良

未中有井宿其下有井泉卯爲天漢之原其下有

河故卯爲天池未爲池井兵帳賦云尋房井之清
泉房卯中之星也井未中之星也兵帳賦云欲劫
他糧戊巳須逢吉將言我兵深入賊境欲潛出劫
掠以自給者將加時以其日六甲旬戊巳臨于地
下何支上得吉將則吉假如甲子旬戊巳在辰巳
看天上辰巳臨于地下何支若見天乙青龍等吉
將臨于天上辰巳之上出掠則可得財反此者凶
甲戌旬戊巳在寅卯甲申旬戊巳在子丑甲午旬
戊巳在戌亥甲辰旬戊巳在申酉甲寅旬戊巳在

午未玄武賊神也我要行劫我卽賊爾故要玄武
乘神剋處劫之玄武乘神剋日干亦可得也兵帳
賦云潛起掠地玄武須旺能制干支我軍必強若
居四季忌甲乙東征曹冲二神忌庚辛西向大吉
小吉所臨之方亦可得兵帳賦云欲劫軍糧向秦
吳之大獲秦者小吉未之分野也吳者大吉丑之
分野是也

來人善惡

遙望來人后孟良仲良季惡立天罡持凶器看干支

上巳賊卯宛亥子強辰戌功曹傳送更勝光併酉欲
潛藏占喧申未龍合喜勾將爲刑闢虎喪先雀吏官
空學館太陰祠禱享神堂

神后落于四孟上定是好人神后加仲是商人神
后加季是惡人既是惡人我當立天罡所落之方
惡人不敢近若見乘舟人來天罡加孟是吏人仲
季同前

七十二占云軍歷危險逢異人者宜防備可向天
上天罡去吉此爲八極俱張豪強之人不敢當若

遇持凶器之人視日辰所乘之神如日上或辰上見太乙是賊人太冲是冤人登明神后是強惡之人如日辰上見天罡河魁功曹傳送是吏人支干上見午酉其來人欲避難如占聞鼓噪誼譁聲加時看所誼方見小吉傳送六合青龍者爲喜慶歌樂事見勾陳刑鬪之事見白虎凶喪事見朱雀乃官吏聲見天空爲學堂讀書聲見太陰祭禱神堂之聲

水陸吉凶

出行日吉陸宜之支吉宜舟水路施干忌卯辰卯忌
子尤防支上剋支時畏河臨井子加歲亥季宜舟孟
仲稽巳卯戊寅二日惡水龍三日避休趨

日爲陸路辰爲水路日上見吉神吉將宜往陸路
去辰上見吉神吉將宜往水路去兵帳賦云支吉
干傷水面通船而陸阻也又云日忌罡冲罡冲辰
卯也謂日干上忌見太冲天罡也又地盤太冲卯
忌見神后蓋卯木爲舟故忌水神在上覆之賦云
欲渡江河支傷莫入壬癸子爲三河卯酉辰爲三

井三河有一河加井不可渡故云畏河臨井神后
子水莫令加于太歲之上犯之主水路有凶賦云
卯辰酉井泉須執壬癸及子天河加井以沉波太
歲遭虛對起是也登明加季水路安康登明加孟
仲水路皆不吉蓋登明水神加于四季之方受土
剋制主水路安康若登明加孟仲爲水神得地也
故主凶故云孟仲有稽留也戊寅巳卯二日俱不
可渡丙子癸丑癸未此三日爲水龍日亦不可渡

令人探賊

凡欲令人探賊以去人行年上神與賊方位上神相生比和者爲吉若去則出天上太冲之下人鬼不能見也

報語虛實

凡占報語虛實以日上神爲傳事之人以支上神爲主人日上神剋支上神其言虛支上神剋日上神其言實若日辰上神生合比和者其言半虛半實又日辰上見騰蛇朱雀天空白虎太陰大空者虛詐不實

探賊消息

凡占探賊消息視去人行年冲年月日時不可去反
被擒矣若剋于更休囚不可往也

探將法

探將之法少人知便把日辰當日推太陽必定交手
戰太陰來時不識真金木半路必對敵火宿穿官怕
失機水土不戰自迴避前途凶吉切須知

探賊糧方所

凡占探賊糧方所視小吉落在何宮此處乃賊糧之
所如太常旺相之神糧多乘休囚之神糧少乘死无

無糧乃虛示之以糧賊懈兵備守誘劫糧以勝之如小吉太常落空亡此糧亦無也

探水草有無

凡占探水草有無視玄武神后臨得地此處必有水太冲落何位此處必有草落空亡無也又看小吉落何方此處必有泉之水也

防刺客

凡占防刺客視勾陳乘申酉剋于者真也白陰二神乘申酉入主月將年命上及日上者空之不能行也

劫敵營寨

凡占劫敵人營寨視辰上神無炁死囚者日上神剋辰上神當劫之必勝若辰上神剋日干上神又有炁有隄防不可劫也如辰上神空亡天空乃是空營也

劫敵糧

凡占劫敵糧視小吉在賊分野之宮生我日上神者可劫也刑冲剋害日者不可劫也

恐賊劫我糧

凡占恐敵賊劫我糧視玄武併小吉旺相剋日必來

劫也宜防之玄武空亡謀而不敢行勾陳制玄武被
我擒也

火攻賊營

凡占欲用火攻賊營視賊營在何宮地以定方向看
巳午乘蛇雀剋賊方上神必火攻賊寨也若火神火
將落亥子之地火不着燃而不猛四課三傳有木神
木將則有風也

防賊火攻我營

凡占防賊火攻我營視火神火將乘旺相泰在我營

上辰上神合火神刑冲破害我營寨地分者賊必使
火攻我營寨宜隄防也若火神火將休囚死墓或落
亥子宮不能行也

占兵

占軍日我辰爲客占陣日爲先舉者辰爲後應者我
旺彼衰決勝立待我衰彼旺固守勿戰吉神與將比
和旺相相生吉休囚剋凶神者加臨之神也爲內神
將者貴人之例爲外將內外比和全勝忌金神日孟
酉仲巳季丑

脚枚法

凡出軍攻敵六壬爲主後動有脚枚之法待彼先動欲戰之時令軍中人卧旗並脚枚坐陣待敵先發乃插鼓大呼進擊必勝

出軍神道

一曰討捕盜賊視日辰行年上神能制玄武則所攻之賊不敢格鬪又名攻前四賊不敢格鬪又云子日後二在戌前四在辰餘倣此一日不可以破對建囚對相死當生謂秋甲乙日向西攻賊是死當生也一

曰不可以陰攻陽謂背亥子擊巳午是也一日將攻盜賊以勝光加四仲旺神春木旺加卯也出勾陳下必剋一日將攻四面圍守以月將加時出天上六癸下吉一日有急往者以天魁加正時斗罡加孟可入加季可出加仲宜固守一日避危難出奔從開星下去吉以月將加時看春三月出房星夏三月出張星秋三月出婁星冬三月出壁星爲開星下一曰奔走者須避太乙直符下犯之爲吏執縛一日不可以青攻白甲乙日不西攻不可以黑向黃言壬癸日不攻

四圍餘倣此

出軍吉凶

兵帳賦云貴人舉兵開地千里騰蛇逢陣憂心衆畏
太常神吉知軍士之營安六合尤宜獲金寶之美麗
青龍大勝得府庫與圖書朱雀口詞慮軍戎之大恥
太陰中正玄武失物以憂深天后無威白虎自敗而
禍起用起天乙將兵大捷開地千里敵人畏服用騰
蛇兵數驚駭上下相剋士卒損傷用朱雀士卒毀謗
妄作口舌用六合將兵戰勝得女子金帛用勾陳士

卒戰死車折馬傷用青龍將兵大勝得敵人邦國營
寨府庫用天空士卒欺詐不戰自敗用白虎將卒死
傷用太常將兵多勝得敵衣帛又主衣服華飾享用
玄武軍多遺失士將戰敗用太陰士卒怯弱用天后
不戰自敗以用神與天將論更看所乘之神吉將旺
相相生則吉凶將喜休囚相剋是謂內戰不暇害我
神將比和吉相剋囚死凶神勝將主勝將勝神客勝
此生剋就用神天地盤論凡臨陣緊急不用三傳只
以日辰定之專看神傳爲主并何神將以決吉凶

出軍忌日

禁凶日正七

亥

二八

子

三九

戌

四十

申

五十一

午

六

十二

辰

八專日忌出軍閱操丁未巳未甲寅庚申癸丑乙卯
猖鬼日百事不宜丁卯戊辰戊寅辛巳戊子巳丑戊
戌巳亥辛丑庚戌戊午壬戌

八絕日庚辰辛巳丙戌丁亥庚戌辛亥丙辰丁巳

八龍七馬九蛇十虎春甲子乙亥爲八龍日夏丙子
丁亥爲七馬日秋庚子辛亥爲九蛇日冬壬子癸丑

搜玄齋

八卷之十

四十三

爲十虎日

五不歸日巳卯辛巳丙戌壬辰丙申乙酉辛亥壬子
丙辰庚申辛酉

出軍攻伐當擇歲月日時爲先忌冲太歲金神爲
主候太白辰星東見之月爲客候太白辰星西見
之月其日卽避冲旺方出軍忌月建之日損大將
其次應行軍避忌凶惡日不可用兵禁日滅沒
日月厭日強威受死日龍虎日罪至日平收日飛
廉大殺日三辰日三短日三惡日四凶日四離日

四廢日六窮日九醜日十惡大敗日天火狼籍日
三亢日亢牛婁鬼乃天上四金星行兵遇其值日大
忌寶日義日上吉制日和日中吉伐日凶

備吉凶擇時

如急用事不待擇日但避吉時萬事皆吉黃道方吉
黑道方凶起黃道法寅申日加子卯酉日加寅辰戌
日加辰巳亥日加午子午日加申丑未日加戌又捷
法道遠幾時通達路遙何日還鄉假如甲寅日子時
于用時上起道遠順行十二支遇有之遠爲黃道吉

餘皆黑道凶

截路空亡時

壬癸二時干是

五不遇時

甲時干剋戊日干乙時干剋巳日干餘干

照陰陽州剋者是也

暗金伏斷時

截造命內

三者忌用出兵凡欲輕

行敵須有六合太陰青龍亦不能治小吉以太冲加

月將出入人莫知之引兵出小吉下攻勝光還從太

冲所謂出幽入冥不見其形敵來得天道之利宜急

分兵從月建上攻之大衆應轉後奔從生背天道反

擊之彼衆我將軍立于神后下 太公曰東方寅卯

金以迎賊賊從寅卯方來我以金出軍以白旗先行

白馬衝陣大勝他倣此

剋擇兵家樞要

玄女透天關法五符天曹地符風伯雷公雨師風雲
唐符國印天關地鑰天賊十二星惟五符唐符國印
吉月將加時順數尋本日干祿起五符順行至所往
方看何星臨之斷吉凶十二月甲子日申時子將順
尋本日祿在寅到戌住便從戌上起五符卽巳上唐
符午上國印占得戌巳午三方吉不忌凶神惡煞上
官見貴遠行求財出陣吉

五符應合五天星最喜其方好用兵欲識五符形勝
地順風旗幟鼓金聲又云五符出處天星到百萬雄
兵四路營出入此方戰必勝順風喜有報軍情

五符方行軍戰將人馬剛強勇銳宜順風送旗大
獲勝捷風從此方起有信乃天人應慶

天曹方上本平平主弱敵剛理自明戰鬥軍兵無氣
力別尋去後振威聲又云報來信息皆公正進獻文
書乃嘉亨奏表祈禳俱此道定應獲福保無窮

天曹方出入人馬平平宜進獻公事吉不宜攻敵

戰鬪剛不等柔少氣力風從此方來卽是送公家
文字止宜奏表祈福保禳獲益

地符方上人馬驚三軍憂恐不宜征戎師討賊當埋
迹虎豹豺狼恐縱橫又云戰鬪傷殘凶勿用撫掌士
卒莫消停將軍可速移營去別選奇方好用兵

地符方上人馬有驚不利伏兵信虛不可輕信

風伯方上莫出征只宜固守自家營狂風炎至爲凶
兆兵甲先興必敗徵又云百事作爲俱退悔三軍妄
動有憂驚人來傳信皆虛詐別選良時吉道行

風伯方人馬不利有驚恐有狂風不利戰鬪攻擊
賊寇宜固守營壁信必誑詐主賊來先舉必敗

雷公方上未爲強先凶後吉必有殃更有風雲并雷
電宜鳴鼓角應災傷又云將軍舉事難稱遠戰陣無
功好隱藏別選吉方規進取但知此地不延長

雷公方軍馬不利多風雨不宜出行請謁此方叢
鼓角天雷戰平平

雨師方上若行兵出行遠途遇霈霖軍行到處宜穿
井令人飲水發雷聲又云祈福求雨天昭感戰鬪聞

賊擇路行我軍若行必時瞻賊人擗鞍馬嘶鳴

雨師方不宜出入戰陣宜祈福求雨若行兵先到
宜穿井得泉飲之膂力精健膽氣芒銳剛強威勇
風雲方上若行兵少雨多風恐衆情自是出途多障
得要防半敗有災迤又云將軍夜遇懷疑二賊寇冲
來鮮吉亨更忌目前幽怪事祈求所作總虛名

風雲方人馬出入主大風飄颺迷路阻障不宜出
兵戰伐只可解甲閉寨堅守百事不利冬則生災
或有怪異若夜得信必憂疑其將信少

唐符方上喜星辰百敵千人得勝軍士爲出征無恐
怖賊徒敗走沒埃塵又云恢疆拓土成功業取威定
霸王功名若有信來公事喜所求百事盡通亨

唐符方人馬出入舉兵攻戰大利商賈出行上官
赴任百事吉一人可敵十人此冲衛之星萬無一
恐不論前後添兵剋敵若外信未至有人報傳喜
兆

國印方上出兵強一封丹詔下明光三軍勇敢多途
捷百戰英雄誰敢當又云拜將登壇獨喜我兵營下

寨獲休祥此方會有皇恩詔解甲朝天覲帝三

國印方人馬出入戰鬪賊兵自敗此天乙貴人方
宜安營下寨築壇拜將印信從此方來或皇恩大
赦及奉表奏旨大吉

天關方上莫出行人馬匆忙勿遠征只宜固守堅營
壁我先迴避免虛驚又云此方當路多凶怪主將提
師有禍生別選吉方并吉時勿令臨戰害生靈

天關方人馬出入不利大凶舉兵戰鬪有折兵之
禍宜固守營壘別選吉方而行

地鑰方上切須防損兵折將極難當人來報喜偏無
喜事至興時亦不常又云兩軍交鋒先喪膽三軍大
半不還鄉此方神煞多凶惡乖逆還生見血光

地鑰方人馬出入損兵折將謀事不成所爲不利
出兵日逐不止戰鬪無力聞喜成虛不宜穿井三
軍飲之病先舉者敗強戰者損大凶

天賊之方細推詳恐有奸兇在內藏出陣行兵多自
敗偷營劫寨探爲良又云有人報信皆虛僞在我知
機宜主張只遣間諜去打聽能殺敵敗好提防

天賊方不宜用兵人從此方來必奸細虛詐機謀
切宜詳審防備偷營仍間謀彼之虛實倘彼來攻
我無備而不覺將無及矣宜嚴固城壁

捕賊

魯都歌云甲寅乙卯丙巳宮丁午戊辰巳戌中庚申
辛酉壬亥上癸子十二奏膚功魯都臨處逢白虎遠
近相看是行踪天地相合爲去路捉寇如同在掌窮
白虎道路之神臨魯都主賊去以天地盤去神相
合定賊行程旺相加倍休囚減半

課逢獨足只虛驚不宜占病問行人占盜不來驚未
寧甚是危險要推情

月將加時出盜門下去必知獲賊盜門者天罡下
是以用神爲初來處中末傳爲始終去處伏吟主
伏藏返吟主遠去辰戌加丑未賊過界忤忌德爲
武有德難捕太歲爲玄武天吏取之太歲爲傳用
剋之速獲玄武剋太歲天地不和德生玄武盜勢
猖獗德刑玄武易獲日建爲州司日辰爲縣官被
武所傷皆憂勾陰剋游都賊敗不剋不敗

渡江險阻

心鏡云干損恐前支恐後天罡加孟勿先行畏中仲
上後加季時下相殘期殆生

干傷罡加孟勿前支傷罡加季勿後時下傷罡加
仲勿中日辰俱傷亦勿在中加日辰有惡人急去
乾潭云欲渡江河要審詳須憑河井決平安三河壬
癸子爲是三井卯酉庚的端河井若加辰上日必然
船覆有灾殃子加太歲支干畏亦畏船行溺水邊

翠羽歌云干加太歲也爲凶亥上行年溺水中支若

有傷不可渡日辰皆吉保寧通

兵帳賦云欲渡江河支傷莫入卯辰及酉爲地井壬
癸亥子天河覆井以沉波日忌罡冲太歲遭虛而禍
急支干分陸水天罡止處以堪行支吉干傷水向通
而立濟

日陸路辰水路干吉利陸路支吉利水路日陽主
陸支陰主水

神后當前行多深澗天魁在旺歷必高崗

神后下多池天魁下多崗神后加太歲舟船淺弱

凡渡大河忌天河加地井卽三河三井也

壬式云凡兵遇水忌觸水龍日大凶丙子癸未癸丑
爲觸水龍日主沉溺戊寅戊子乙卯巳卯日亦凶凡
涉險危兵不能移敵從利方來卽令士卒皆左袒引
聲力呼鳴囉先舉擊之否則令啣枚住馬不鳴鼓以
待之行年上見歲月日時冲破凶日辰上神旺相相
生宜進反此凶干傷支支干俱傷勿渡干吉支干皆
吉可渡凡四氣相生于風日者箕畢翼軫勿渡返吟
伏吟勿渡太冲天罡加日辰有風雨日辰上見太冲

夜必風雨丑加巳夜有雨水

釋年命法

行年本命亦行建

若本命行年四課三傳并日辰上下干神則從日
建一同行更不別取凶禍也從小運行年干頭復
遁於天上行年可取故言行年亦行建假令三十
一歲行年在申却取天上申行至地下甲是也

三傳辰上禍來戰

若三傳是日上辰上爲用神剋我今日干又不見

解神則爲凶矣若辰上復剋三傳名曰自戰是凶
事減爲吉利矣與上下不同詳看下文

內有救神亦主凶

若三傳在日辰上發用剋今日若內有救神亦主
凶矣謂日辰名爲本身三傳行年本命則爲他人
故言他人剋我凶也

傷不傷人看家眷

謂三傳行年本命皆是親眷取今日干則爲我自
身以今日支爲家宅若有鬼剋支是剋家宅故言

看家眷也

釋男女相害

陽將陽神建陽干上下比陽男子類。

看天盤有子寅辰午申戌爲六陽干支神若臨地盤又是子寅辰午申戌六陽干支便是上下比陽則爲男子來相害若臨旺相有炁少年人囚死無炁則老人也

比陰是女言非謬

謂鬼臨天盤是丑卯巳未酉亥六陰干支便是比

陰必有女人來相害若臨旺相爲少年婦人囚死
則老婦也

比與不比從多主

若天盤得六陽干支臨地盤六陰干支則爲不比
再看天盤上將得貴人騰蛇朱雀勾陳青龍白虎
玄武爲陽將則是男子來相害若是六合太陰太
常天后天空爲陰將必是女人來相害假如十一
月丑將辛卯日戊子時課初傳辰臨卯下賊上是
上陽下陰不比將得朱雀是上陽比時遁見丙辰

是丙火剋辛金主東南方一男子口舌來相害中
傳巳臨辰上陰下陽不比將得六合上陰比時遁
見丁巳臨丙辰又巳中先建癸復建丁雖是癸剋
丁却是火多水少丙辰與辛日德合夫婦相剋六
合是陰上下火剋辛日干主女人和合口舌末傳
午臨巳建戊午臨丁巳上下俱火將得勾陳上陽
比因夫婦和合官事也

求試

府試先尋月建神省下宜求歲破真御前太歲爲天

乙行年龍雀喜求新各有行年相制剋須視從前次第分太歲建破空亡惡必是從前不第人

府試以月建爲王文宗主看月建在何方住看青龍朱雀不落空亡否取應試人行年須要與月建青龍朱雀上下不相剋者必得取也若行年與月建相剋縱有龍雀不落空亡亦難得也凡占到省試以歲破爲大文宗主取應舉之人行年須要與歲破俱無刑剋又龍雀不落空亡必得中舉會試若龍雀臨休囚各位低反此高中凡占到御試視

中不中以太歲爲主看今年太歲臨何神與今日
生比無刑剋否必中又看其人行年與太歲又無
刑剋相生比必登高甲若太歲所臨神與今日相
刑剋應試人行年與太歲相刑剋應試人本命與
天乙相刑剋皆不利

遷官

凡卜遷官者先尋龍常馬城吏印綬祿文武分真假
日去龍常歲辰去龍常月將神生剋日龍常取時占
寅爲天吏申爲天城假令三月酉將甲戌日未時占

從魁酉加未文官視青龍今勝光午為龍與今日

生吉甲子離龍三辰即為後三歲遷期從青龍順數

至支辰戌位上得七辰為七月內龍乘勝光火火生

土取戌巳日取龍乘神所生日武視太常依此例推

又云印綬青龍戰剋日干旺支傷官替吉勾虎建來

多訟爭六合天后喜傳職例見畢法歌

三合六辰寅

四合六辰寅

傳青龍申午
白虎申午

課青龍子辰
后天子辰

未 <small>天</small>	申 <small>白</small>	酉 <small>太</small>	戌 <small>武</small>
空	虎	常	武
午	傳	三月	亥 <small>太</small>
龍	圖	酉將	陰
巳	未	時	子 <small>天</small>
陳	課	甲	后
辰	卯	寅	丑
合	雀	騰	貴

行人久出

要知久出在何方卽審行年臨處詳上下刑剋須改動卽移年上有財方日干如臨死絕地年又被剋必傾亡移方不旺又刑害行人在外必遭殃

此占行人多年久出不知在外存亡不知在外遠近行人久出不知在何方所視去人天上行年之神飛臨處便是去人所在之方位如此處生旺卽是此處安身矣苟或上下相剋則以行年看何年月建主于此月建必將身改動移于行年所剋天

財下之方去看此處與年之神有合相生更不用
改動移別處只在此處住苟此處又上下相剋有
剋制損害則此處臨着二馬月分再移身于今日
干天財下方位去如此處方位生合則止于此處
矣苟此處方又不生旺仍有損害必又再移身于
元行年天上干所合天上干飛揚去處也苟此處
生合則安身此處矣若此天干合處仍有刑剋行
年之神其人必復再移身于元行年去處斯更不
改動矣欲知行者有還家之意須自初年住處至

諸般移動處有一處支于被太歲生者便是有意
還家也若問其人在外地里數之遠近便將其人
行年上下數乘之更虛下加一數共一處言其人
地里數若問歸期來與不來依限神斷之視行人
天上行年下臨地分度限卯酉爲來以二至子午
上神爲至期凡行人行年在寅卯辰巳午未以酉
地下爲限以子上神爲至期視行人天上行年過
酉限爲已發未過酉限爲未發假令行人行年立
未正時視天上小吉若度酉爲行人已發以子上

所見神爲至期如子上見土神則戊巳日至子上見金神主申酉日至凡行人行年在申酉戌亥子丑上以卯地下爲限以午上神爲至期視行人天上行年下臨地分過卯爲巳發未過卯爲未發如行人行年立酉視天上從魁下臨申酉則行人仍在舊處未發動若天上從魁下臨亥子爲行人巳離下臨寅卯爲半路下臨巳午爲欲至若午上見卯則卯日至午上見辰則辰日至凡如門上神尅行年則行人不敢來家若門上神尅天上行年立

處之神要見其人來的月日又須看遊神或天馬
驛馬臨着處是來的月日也于四時將有剋處不
用無剋處用要知到家日又要行年立處太歲却
制剋門上神又元行年立巳亥必難還家若太歲
立處生合却來太歲剋制元來門上神則未來更
太歲生行年立處再尋行年不剋制門上神爲其
人還家來

要知作客何方去行年上下看臨處下神爲去上爲
還里數相乘加千數若問財本與星辰行年武虎與

財論

此問去人方位地里還家月日有無財帛假令癸丑人行年丁亥十一月丑將甲午日寅時占本命子加丑行年亥臨子其行人正北方作客去自西北還家何謂正北去以行人天上行年臨處爲去人所在方位天上行年所臨下神爲去處故曰正北作客去也曰西北還家者行年上神乘戌也以年神亥臨子子爲下神爲正北亥爲上神爲西北方故曰下神爲去上神還

三 白子丑
虎

太亥子
常

傳

玄武戌亥

四 天空丑甲
白子丑

課

朱雀巳午
騰蛇

未 貴人申 天酉 太陰戌 玄武

午 騰十一月丑 亥 太常

巳 朱寅時課傳 子 白虎

辰 六合卯 陳寅 龍丑 天

問其人無財本日其人無財何也三傳行年本命日上無財而玄武却又剋行年與日于是以無財也問其人在外有無病患曰主無病何也蓋行年立處不見白虎是以無病問其人在外隔家地里遠近主二千六十里以行年上下四位相乘得

五十三凡占遠行以十則言百則爲五百三十里
更加一倍爲一千六十里又將虛得千數加入一
千通共二千六十里也故曰里數相乘加千數曰
還家者以三傳退聯茹也問有阻隔否曰無阻隔
爲行年上不見關格神也魁罡加卯酉爲關格若
知因何年阻隔視天將若是上見玄武則河水隔
見六合太陰天后被婦人隔見白虎天空疾病隔
見勾陳朱雀官事隔見太常道路隔見青龍財物
隔見貴人山嶺隔問甚年月日回家子年二月有

信四月決來也故曰謂寅爲十一月天馬驛馬戲
神臨卯卯爲二月主二月有信至卯爲門戶天馬
驛馬臨門行人必至也辰爲十一月遊神入巳主
人已動矣于四月決來以四月建巳故也問甚日
到家看臨今日日辰者是到家日期也

若問行人阻中路年上日干前四度有剋制兮未動
身最忌年門兩相怒年門兩怒難還家必至中途有
違悞

凡行人作客最怕門上神剋行年則行人不敢來

家又怕行年尅門上神若兩神相尅未還家行年
與門上神不相尅行人必歸家也若行人之行年
立在今目前之四神爲當中路其人來也凡在日
前一二三四位俱是若支前四位上有制尅門上
神主行人至中途疑心生欲來不來也看其人爲
何不來便看卯酉上所得天將乃知若是卯上得
六合太陰天后主憂家宅或淫亂口舌事不來若
得青龍玄武爲財物事若太常貴人主飲酒勾連
若勾陳朱雀主有官事若騰蛇主小兒牽挽不來

其于前位與門上二神無戰剋則無阻隔便歸家
矣

欲知來歲月日期先尋日干還日支戰剋未來相生
至戲神遊神月日宜

此占久出遠方行人何年月日歸家戲神春巳夏

申秋亥冬寅遊神春丑夏子秋亥冬辰假令十一

月丑將甲午日午時占初傳勾酉寅中傳亥辰酉
末傳朱亥辰其行年寅加未問行人來否日課占
主不來謂何爲天上甲日不得地下寅日位謂地

下寅日上見酉酉金能剋甲木是以天上寅日干
難還地支寅本位也又貴人逆行卯門上神是戌
戌加卯爲關隔戌中有辛辛剋寅寅是行年是爲
門上神剋行年也大抵卯酉二辰爲行人門戶天
乙逆行須要行年天上支逆還地下支天乙順行
須要行年天上支順還地下支其課天上寅爲行
年天乙逆行行人待過門還家門上得戌戌中有
辛辛剋寅是門上神剋年上神天上寅中甲木還
不得地下寅爲寅上見酉酉能剋天上寅中甲是

爲天上甲還不得地下甲也

三

勾陳酉寅

四

勾陳酉甲

玄武辰酉

玄武辰酉

傳

朱雀亥辰

課

青龍申丑

子騰蛇

亥朱雀

戌六合

酉勾陳

丑貴人

午將甲午時課傳

申青龍

寅天后

午將甲午日

未天空

卯太陰

辰玄武

巳太常

午白虎

問行人必不還家爲日干不得還本位門上神剋
、行年故其人必不歸爲日干上下與行年門上俱
見剋戰主行人未歸不來故不論月日也假令正
月亥將甲子日丑時占行年辰加午初傳玄戌子

中傳后申戌末傳蛇午申天乙逆行天上甲還得
 地下甲又行年上神辰與門上神丑不相剋戰占
 行人必來雖則天上辰不得還地下辰但天乙順
 行行年亦順則不見門上神矣其建干支又與門
 上不相剋是以占行人必來欲看其人是甚月日
 來取戲神遊神或天馬驛馬臨處爲還家月日也

三 玄武 戊子
 傳 蛇騰后天 申戌

四 白虎 子甲
 課 玄武 戌子
后天 申戌

午 <small>騰蛇</small>	未 <small>貴人</small>	申 <small>后天</small>	酉 <small>太陰</small>
巳 <small>朱雀</small>	正 <small>月</small>	亥 <small>將</small>	甲 <small>戌</small>
辰 <small>六合</small>	子 <small>日</small>	丑 <small>時</small>	課 <small>亥</small>
卯 <small>勾陳</small>	寅 <small>青龍</small>	丑 <small>天</small>	子 <small>白虎</small>

萬里還家欲至門

問遠行人何年月歸家前註已說用龍常六合等
臨着處爲來期更看遊戲天馬望三千里外行人
視將軍煞下爲來者月日將軍者勾陳是也不是
百煞內將軍若此煞臨月臨日主行人欲至門二
千里至一千里行人用太歲支臨處爲來者月日
一千里至五百里行人以月建支臨處爲來者月
日二三十里視罡下決應

門上相逢妻剋身

凡行人久出從遠方來歸至門外入門時切莫教
日上神受妻行年剋制若受妻行年剋制妻不得
下合若下合更是不正神將主妻內有制損如門
一神剋制行年更是三刑六害凶故云門上相逢
妻剋身

三傳更有生妻美

日上行年三傳兩三處但有一處今日之財名曰
三傳生妻美主行人來歸其人行年見日上妻相
合故有回心若日上是行年妻雖不合猶慢緩也

但最怕三傳中有一處剋今日干

欲入宅時復千里

謂三傳爭妻行年其人雖至門畏尅戰而不敢歸
日妻難合故有回心是欲到門宅復千里夫也如
九月卯將辛丑日巳時占初傳白亥丑中玄酉亥
末后未酉占人三十二歲行年上乙未立酉爲至
門且借天上寅加辰爲本命其人從西北來至今
日辛上回家辛上時建是行年妻欲待入門妻臨
處却有辛其行年未上乙乙怕辛不敢還家是又

還復千里外也或到處更有乙先來合庚決不
敢還家復往他方也

三

白虎亥丑

四

太陰申辛

午

貴人未

天后申

太陰酉

玄武酉亥

貴人午申

巳

騰蛇九月

卯將

戌太常

傳

天后未酉

課

白虎亥丑

辰

朱雀時

課傳

圖亥白虎

有財有祿更乘馬還家又蹇長城下

假令辛日行年立在酉酉上得辰天上酉却臨寅
財祿之鄉寅上酉却待還于本家日上却是巳午

相三卷 卷之十 六十四
畏巳午剋不敢歸故雖至家仍憶東方之財却又去也

此圖不論國課三傳只以卯

辰

行年巳

辛月午

辛日寄戌畏巳剋雖行年寅

未

臨財祿之地方來却去占丑

申

者准此

子

亥

戌

酉

財祿

使去數朝憂未回百般思慮動疑猜月將加時視罡下此日應知必欲來

占近出行人以月將加時視天罡之下日來也又

法以其人去時加在支上視天罡爲來朝又法者
天上神臨四孟未發四仲是中途加四季卽至馬
與日相生消息決之

釋迺

五陽德自處陰來合干言

五陽德自處者甲德在寅丙戌德在巳庚德在申

壬德在亥也五陰干從合處爲德巳德在甲寅乙

德在庚申辛德在丙巳癸德在戊巳丁德在壬亥

十干定德皆從四支若在寅者四干便是木在巳

者四干便是火在申者四干便是金在亥者便是水此論金木水火四支便是德更不問干也

按連珠心鏡以逝人初禿時用月將加之不知禿時用初覺時以月將加之視刑德審逝人

德剋刑支位禿者得還元支刑反剋德逝亡要見難德謂干德刑謂支刑賢人責德小人責刑干德剋刑逝人易獲支刑剋德逝者難捉獲也若三傳年命日上有旺神却剋刑支主禿無門必捉獲也若何日捉得或刑支生日或剋刑支之旺日也假令

正月甲戌日亥將卯時占甲德在寅臨午若追賢
士上人正南午地去也若知遠近地里以寅臨處
上下四位言日支是戌戌刑未未臨亥若追逃
奴婢小人西北亥地去也若問地里遠近將刑支
未臨處四位加減得二十七數往西北二十七里
必捉得逃者近水酒務處謂小吉爲酒食之神亥
中有樓閣之貴也此日德勝刑故逃人易獲謂甲
日德在寅乃木也戌支刑未乃土也是德剋刑故
曰德若勝刑逃易獲

此圖不論四課三傳

辰

巳

午

日支

未

刑

西北

以日德勝刑追小人

卯

申

易獲覓君子難見占

正南

寅

甲德

酉

者准此

丑

子

亥

戌

日干

假令正月亥將巳巳日戌時占巳德在寅寅臨丑

若追賢士上人東北丑地上去也日支是巳巳刑

申申臨未若追逝奴小人從西南未地去也地里

遠近逝人在六十九里謂申七未八二支乘七八

五十六也日遁未上建干辛申上建干壬辛七壬

六共十三通前共六十九里也此日刑勝德必難
獲謂刑申金剋德寅木是也

此圖不論四課三傳

酉 戌 亥 子

以刑勝德則君子覓

西申刑
南

丑

小人終難獲也占者

未

寅

巳東
德北

准此

午 巳 辰 卯

德刑同一位良賤同隱身藏德逃易獲藏刑捉無因

德刑同一位者有藏德不藏刑藏刑不藏德之分

如甲申日甲德在寅申刑寅是德刑同一位也有

藏德不藏刑卽德勝刑也藏刑不藏德之分卽刑
勝德也如甲申日寅臨午是藏德不藏刑謂刑相
剋申至午則火金有剋也德相生甲至午則木火
相生又甲喜午是藏德不藏刑主捉得逃人若寅
臨酉是藏刑不藏德以申至酉則同類比和而旺
甲至酉則金木相剋也藏刑則逃人難捉
刑德不相剋玄武上求得

刑德同一體不相剋便用玄武所加辰方位上去
尋踪捉賊地里遠近數目取之玄武閉口課之例

旬首旬尾也

陽神玄武位男走退四度女逆玄武下男逆玄陰路
陰神爲玄武男走復還住

子寅辰午申戌爲玄武此是陽神作玄武也則退
數四位是旬尾若男子走退四度便是去處尋玄
武陰神路上若女子走只于玄武去處陽神下尋
也假令十一月丑將甲子日丑時占貴人在未逆
行后三戌爲玄武是陽神爲玄武若捉女人宜西
北去爲戌是臨戌也若捉男子從玄武戌位逆數

四辰至未是玄武陰神宜西南方必捉得也

此圖不論四課三傳

審玄武臨處知男女

西未
南貴人

逃匿之方獲之必得

占者准此

天	后	騰	朱	雀
太西北玄	陰武	蛇	合六	陳
太	常	丑	勾	青
		空	龍	

丑卯巳未酉亥為玄武此為陰神作玄武則順數

四位是旬首也又若為陽玄武所還者便是陰玄

武假令卯為玄武臨子北方去男子正東方假令

正月亥將乙卯日申時占初傳六酉午中傳貴子

酉末傳玄卯子

三 六合 酉午

四 青龍 未乙

亥 龍 子 貴人 丑 天后 寅 太陰

貴人 子酉

朱雀 戌未

戌 朱雀 卯 玄武

傳

玄武 卯子

課 天空 午卯

申 勾陳 未 青龍 午 天空 巳 白虎

若捉女子宜正北方去可獲以卯為玄武臨地盤

子為玄武陽神此即婢走求陽處則順數對位至

卯上以奴逃須責陰也若捉男子宜正東去正南

方住家以玄武陰神卯上見午也合主捉得為中

傳子水剋玄武順四陰神午故敗也亦敗以初傳
酉金剋卯木也 若問逝人地里遠近之數以玄
武上下四神乘之便可知其里數合往正東三十
里上前有林木後有窰冶處干支合破捉獲得爲
子午數九卯酉數六共得三十里也 若問捉得
否看三傳年命日上有剋玄武支干者必捉得無
剋玄武支干者必捉不得 若問甚年月日捉得
視初傳日上有剋玄武之神便是捉獲自日也要
知逝遠近武位四神數欲知逝人地里遠近之數

以玄武上下四位乘之以玄武三傳上下乘得之數地里便見也

私遁逃亡已出門課中無例剋逝人日上勾合德刑喜不須追逐自來門

凡占逃亡六處不見有剋玄武之神又無刑德相剋又不見剋捉之神是不可獲却今日日干上與玄武合或行年德刑與日辰相合則逃走人必主自歸假令走了人遁得庚却日建得乙將是六合勾陳朱雀主自來不必尋捉

遊都法

凡占賊寇須用四課四課者一地分是本原支方如
甲子日未時申將加未子上見丑爲將丑落于子
上爲遊都午上爲魯都將落于子爲地分是二遊
都落處爲將是三本日貴神加到近都之處得神
后是也四元遁甲丙戌庚壬是立成四課若遊都加臨
本日支辰支者卽某位所屬之支也辰者卽本日
天元之辰亦爲宅也則賊寇今日晚來也故曰遊
都覆日今將到若加日辰前一支後一日到前二

支後二日到前三後三日到加前二三位者其賊懼其主名他弱我強賊人不勝可當進卒擒捉故曰二三依次須防禦或加日辰前四位者亦主賊兵不來若將神旺相主賊勝故曰遊都旺相支于畏賊勢憑凌難守持或課俱有相生之爻不可戰鬪主賊自來投降受伏或人家內小賊亦不來也又云遊都臨支定到期旺相魯都臨支定窠穴遊都尅方位神者其賊勇猛不可當方位尅遊都者其賊自敗如遊都囚死休不尅日辰者吉無驚恐

也若遊都旺相剋日辰者尤凶如遊都加干支上
下相剋戰賊來最疾尤凶若遊都所臨所好之鄉
與方位上下相生比和之鄉者主賊兵不戰而自
降也以遊都爲賊以下盤爲我也若遊都上乘虎
蛇凶將主我軍有驚恐急宜往利方避之又占賊
信虛實天罡加孟信多虛加仲行人半路居季上
若見天罡立刀兵立到不須疑

神定經云正時以庚爲太白太白入熒賊必來宜
準備之乃申加巳以丙爲熒惑若巳加申爲熒入

白主賊不來若我欲掠他宜得此課

三

合六辰卯

四

合六辰寅

勾巳辰

合六辰卯

傳

龍青午巳

課

龍青寅丑

申

此課遊都加臨本日支則

丑遊都

酉

戌

亥

子

未

魯知賊今日到都他做此

寅

午

巳

辰

卯

遊都起例甲巳之日丑爲先乙庚神后不虛言丙辛

須向功曹上丁壬之日在巳邊戊癸傳送遊都住遊

都冲處魯都安

兵詮要序

壬書之來尚矣其理廣大悉備其究幾微遠與殆未
可易言者大約其門有二一曰兵占筮一曰禘占皆世
之切用者然勳兵占屢試屢驗萬無一失朱如響之應
聲故于此獨留心焉而雜占有不切或導者姑畧之
但是書屢爲妄人妄自分析致無全篇且鄙俚繁禘
真偽莫辨勳于退食之暇爰集諸書依屬歸類簡其
切要者叶以韻語爲之註解引其出處名曰壬式兵
詮見爲前賢格言非後生臆度且使讀之者通易曉
也間有二說相疑或所關稍輕者姑缺附註以俟高

明刪正其襍占俟圖纂集以足其意承見勲初志云書
始于庚午成于辛未凡十易之稿始得就緒可謂難
也已矣